

INFORMAZIONS pal PAZIENT e par cui che lu ASSIST

## COLONIZZAZION DI MICRORGANISIMS RESISTENTS AI ANTIBIOTICS

INFORMAZIONS PAI PAZIENTS DIMETÛTS CUN COLONIZZAZION DI MICRORGANISIMS RESISTENTS AI ANTIBIOTICS, PAI LÔR FAMILIÂRS E LIS PERSONIS CHE A COLABORIN AE LÔR ASSISTENCE

### CE SONO I MICRORGANISIMS RESISTENTS AI ANTIBIOTICS?

I microrganisims resistentis ai antibiotics a son bateris che no vegnin eliminâts di un o plui antibiotics par solit eficaçs e par chest a puedin interferî cu la vuarison.

### CUI ISE LA PERSONE COLONIZADE DI UN MICRORGANISIM RESISTENT AI ANTIBIOTICS?

La persone colonizade, ancje ospitant tal propri cuarp un bateri resistent, no svilupe malatie e di consequence no à bisugne ni di terapie, ni di altris esams in plui.

### PARCÈ ISAL IMPUARTANT EVITÂ LA DIFUSION DAI MICRORGANISIMS RESISTENTS AI ANTIBIOTICS?

Al è impuartant evitâ che i bateris resistentis a sedin trasmetûts a personis che a àn lis difesis ridusudis (imunocomprometûts), parcè che a podressin causâ il svilup di une malatie.

### CEMÛT SI PUEDE PREVIGNÎ LA DIFUSION?

A domicili il riscli di difondi i bateris resistentis a altris personis al è a vonde bas e si preven cu la adozions di semplicis precauzions di doprâ ogni dì.

### CUALIS SONO LIS PRECAUZIONS DI ADOTÂ A DOMICILI?

- **Igjgiene des mans.** E je la misure plui impuartante; si pues fâ cun aghe e savon o cuntun prodot a base alcoliche specific pes mans. Al è necessari lavâsi spes lis mans e al è simpri necessari dopo di vê doprât i servizis igjienics, prime di mangjâ o di cusinâ.
- **Pulizie dal ambient domestic.** Al è impuartant netâ l'ambient fasint atenzion a lis superficiis che a son tocjadis dispès come lis mantiis des puartis, il jet, il comodin e i servizis igjienics. I prodots comuns pe pulizie a son suficients.
- **Lavâ la blancjarie.** La blancjarie personâl e chê dal jet no àn bisugne di lavaments separâts, al è suficient il lavament inte laveblancjarie o a man cun aghe cjalde e detersîf.
- **Lavâ la massarie.** Pe pulizie de massarie al è suficient il lavament in lavemassarie o a man cun aghe cjalde e detersîf. Evitait di scambiâsi lis tacis, possadis e plats intant che si mangje.
- **Ûs di ogjets personâi.** No stait a scambiâsi i ogjets pe cure personâl come il spacetin di dincj, i rasôrs, i suiemans, lis spacetis, e v.i.
- **Vite di relazion.** Si puedin tornâ a fâ dutis lis normâls ativitâts cuotidianis e tornâ a vê relacions cu lis altris personis.
- **Contat cun personis imunocomprometudis.** Tal câs di contat cun personis che a àn lis difesis ridusudis (imunocomprometûts), indreçaitsi al propri miedi par vê altris indicazioni di plui.
- **Indicazions pai familiârs e par chei che a colaborin ae assistence.** Prime dal

## INFORMAZIONS pal PAZIENT e par cui che lu ASSIST

contat cun escrementis, urinis e gatar doprait lis manecis monoûs e dopo gjavadis, lavaitsi lis mans.

### CE FÂ IN CÂS DI GNÛF RICOVAR O DI ALTRIS CURIS?

In câs di un gnûf ricovar e di curis o terapiis ambulatoriâls (curis dentistichis, fisiatrichis, e v.i.) al è une vore impuartant informâ il personâl sanitari.

Par cualsei dubi cjape contat cul to miedi.

Cjape note chi sot, lis domandis che tu pensis che a sedin impuartantis di fâ:

---

---

---

---

---

---

---

---

---

---

Març dal 2016

Par cure dal grup dai referents aziendâi “colonizazion di microrganisims resistentis ai antibiotics”.  
I autôrs a declarin che lis informazions contignudis in cheste informative no àn sponsorizacions o conflits di interes.  
Lis informazions contignudis no sostituissin il rapuart miedi/infermîr e pazient.